

# Ek Machhar Lyrics

---

## English

Ek machhar,  
Ek machhar sala aadami ko  
Hizda bana deta hai  
Ek khatmal puri rat ko apahij kar deta hai  
Ek machhar sala aadami ko  
Hizda bana deta hai  
Mat aao mere pas rahne do mujhe akela  
Ladne do mujhe apni ladayi  
Kabhi na kabhi to jhut ka  
Gala ghotegi sachayi,  
Lekin sala ek machhar aadami ko  
Hizda bana deta hai  
Subha ghar se niklo  
Bhid ka ek hisa bano  
Sham ko ghar jao,  
Daru pio, bache paida karo  
Aur subha talak phir ek bar mar jao  
Kyoki aatma aur andar ka  
Insan mar chuka hai  
Jine ke ghinone  
Samjhote kar chuka hai  
Sala ek machhar aadami ko  
Hizda bana deta hai

Uchi dukan fika pakwan  
Khaddar ki langoti  
Chandi ka pikdan so  
Mein se assi baiman phir  
Bhi mera desh mahan

Topi lagaye machhar kahta hai  
Desh ke logo mein  
Samta ki bhawana aa rahi hai  
Isiliye to badi machhali  
Chhoti ko kha rahi hai

Hamare chune huye kute,  
Hume hi kate hai  
Humare hisse ki rotiya  
Apas mein batate hai  
Human us gand se bhari unki  
Aawaj se nange raste kapte hai  
Kal peda huye bache,  
Ek saans lete huye hapte hai  
Saitano ki najayaj aolad  
Tahalkha macha rahi hai  
Aur hum hum bhagwan ke  
Chahite janwar insan  
Zindagi ko gali banaye  
Bethe hai kya kare, sala  
Sala ek machhar aadami ko  
Hizda bana deta hai

Giro salo giro giro giro lekin giro to  
Us jharne ki tarha jo parwat ki uchai se  
Gir ke bhi apni sundarta khone nahi deta  
Zamin ke tah se milke bhi  
Apne astitav ko nasht nahi deta  
Lekin itana sochane ke liye  
Waqt hai kiske pas, kyoki  
Sala ek machhar aadami ko  
Hizda bana deta hai

Mandir, masjid ki ladayi mein  
Mar gaye lakho insan  
Dharam aur mjhab ke naam par  
Ho gaye hajaro kurban  
Jis ne anyay ke  
Virodh mein bali ko mara,  
Rawan ko mot ke ghat utara  
Punya ko paap se ubhara,  
Mujhe us ram ki talash hai magar  
Lagta hai is yug ke  
Ram ko aajivan vanvas hai, kya kare  
Kyoki, sala ek machhar  
Aadami ko hizda bana deta hai

Ye machhar, ye machhar,  
Jiska kichado me ghar hai  
Naliyo me basera hai,  
Iski pehchan  
Ye hai ke ye na tera hai na mera hai  
Ye machhar hizda bana dega,  
Hizda bana dega  
Kabhi saitan aayenge,  
Mere darwaje par dastak denge  
Jahan ki talashi lege,  
Phir jal uthenge,  
Us waqt main daruga nahi  
Apne sharir ko dhal,  
Hath ko talwar banaunga,  
Ek na ek din to  
Tum mera hath chumoge, karo,  
Aaj mujhe badnaam karo nilam karo  
Nilami ke liye kya hai mere pas,  
Bas jalte huye aansuo ka aeshas  
Magar, magar main tumse badala luga,  
Tumhari aakhiri boli par  
Mere do saanso ke bich ka thaherav  
Tumhe fokat me duga,  
Kyoki salo ek machhar  
Ne tumhe hizda bana diya hai.

Lyricsbogie.com

More Lyrics from [Yeshwant \(1997\)](#)